

天目中峯和尚廣錄卷第十二之上 俊四

參學門人北庭惠寂進

信心銘闡義解上

聞夫少林不立文字直指之道方二傳而
俊四
至璨大師師作信心銘五百八十四字得

非遽變乃祖之風而爲文字流布耶或謂
不然欲顯示其直指之道俾後之學者
具正信而破邪惑也謂信者何信其廣大
心體與諸佛平等無間必欲其自信而入
不假修證一入信位決定不退轉也故此

銘與不立文字之說並驅於千古之下而不相悖者益信大師立言之至荷法之誠也嗟今學者膠於義解不能廓悟神心洞見源底以資正信返以是銘爲引證談柄之張本其金屑入眼之喻不能無及於吾大師也余因繫影于舟凡兩句下申之以語偈不敢炫耀見聞仰攀勝軌誠欲闡義解顯正悟曉同志勵自己也其有傍不甘者則余罪過當何以釋譖故以信心銘闡義解標其名焉

至道無難唯嫌揀擇

神光烜赫萬靈罔測踞羣象之深淵啓重
玄之大宅臨濟用金剛王發雷轟霆震之
令望影尤難德山遣木上座奮風馳電走
之威追蹤莫及陶形鑄象不居其有功負
海擎山似覺其無力黃面漢四十九年有
手只好拏空白拈賊千七百箇有口惟堪
掛壁最見成難委悉擬向當陽指似伊早
是門前起荆棘

祖師道至道無難唯嫌揀擇義解者謂此

兩句乃一篇之要綱一銘之本旨然信之
一言全該悟證非信行之信也如法華之
諸子於會權入實之際作信解品以述其
懷吾祖目之曰至道唯佛證之曰菩提衆
生昧之曰無明教中彰之爲本覺皆一心
之異名也至若徧以名相涉入色空異轍
殊途千條萬目豈乘優劣靡隔悟迷莫不
依四
由斯而著如趙州之柏樹子楊岐之金剛
圈密菴之破沙盆東山之鐵酸餚異端並
起邪法難扶則知至道之詰行矣該通事

理融貫古今說箇無難早成剩語然聖凡染淨極目全真揀擇情生迥乖至體是謂惟嫌揀擇也下文雖殊悉覩其意

闡曰依稀相似彷彿不同且至道二字任你意解謂無難之旨須相應始得自非心開神悟妙契冥符迥絕見知超出言象者望無難之旨不翅天淵於根境相對差別互陳不能當處解脫擬將箇無難不揀擇底道理存乎智曉又豈止於認賊爲子矣故於此不能忘言偈曰

至道不應嫌揀擇 莫言揀擇墮凡情
快須獨寤娘生眼 白日挑燈讀此銘
但莫憎愛洞然明白

直非松曲非棘通非虛空塞非牆壁無孔
鐵鎚當面擲直還松曲還棘通還虛空塞

三 還牆壁依然野木連天碧昨夜南海波斯提著西天正賊待到天明點火看却是東

村王大伯

祖師道但莫憎愛洞然明白義解者謂狀生死慕涅槃是憎愛久捨煩惱趣菩提是憎

愛你但於一切聖凡法中不得存毫髮欣
厭之情則此心自然明白矣

闡曰咄直饒你一切不欣厭坐斷主人公
殊不知只箇不欣厭底已涉憎愛了也苟
非親見祖師立地處與麼註解當得西來
意麼偈曰

似地普孽天普蓋 姑燈俱照日俱臨
擬於明白中蹲坐 脚下不知泥水深

毫釐有差天地懸隔
有定據無準則拈空塞空以的破的買石

闡曰與麼商量似則似矣是則未是何則
直饒你一一無差塵塵合道也出他天地
懸隔不得偈曰

得雲饒六祖道不會移花兼蝶至達磨道
不識只遮兩路葛藤引起參天荆棘休荆
棘海神不貴夜明珠滿把撮來當面擲
祖師道毫釐有差天地懸隔義解者謂我
此廣大法門雖曰悟迷無間你若愛憎揀
擇之情毫釐不盡則霄壤相去不勝其遠
矣

說箇無差共有差俱成捏目起狂花
天懸地隔古今古擬涉毫釐事似麻
欲得現前莫存順逆

兩不雙一不隻放去非離拈來非即楊岐

十載鑄就金圈少室九年覩破鐵壁古佛
未生時月印千江大塊已鑿時風清八極
道順不順謂逆何逆掛角羚羊喫鐵鞭秤

錐捏出黃金汁

祖師道欲得現前莫存順逆一等義解者
謂祖師到此詰作兩極何則此事本來現

前教誰欲得教中謂正性無不通順逆皆
方便於此若教莫存却成斷滅去也不然
蓋祖師曲爲初心方便委示似美食不中
飽人餐也

關曰低聲低聲祖師在你脚下縱饒一踏
粉碎更參三十年偈曰

欲得現前徒逐妄不存順逆更乖真
香塗刀割忘分別亦是空王眼上塵

違順相爭是爲心病
是病非心是心非病莫將有漏笊籬喚作

杳溪杓柄非離身非即身毘耶厥疾轉深
日面佛月面佛馬祖沉疴愈盛情塵未盡
處使甘露亦殺人鍼芥相投時用砒霜能

活命自從海上競傳方無孔鐵鎗生異證
祖師道違順相爭是爲心病義解者謂生

死無常是心病見聞覺知是心病參禪學

道是心病成佛作祖是心病會須兩忘違
順雙泯聖凡萬慮俱捐一道空寂不假萬
金神藥所謂心病者自然無地可寄矣

聞曰吁祖庭秋晚佛法下衰抱病之流滔

滔皆是無憊其然似此知解入心執藥成
病者使者婆_母世遇斯等人亦無所施其
巧矣偈曰

順違相諍心生病 違順俱忘病在心
今古死人常繼踵 謂傳盧扁有神鍼

不識玄旨徒勞念靜

盡大地是熱鐵輪盡大地是大圓鏡狸奴
白牯今本不迷彌勒釋迦昔亦何證白雲
淡蕩芳非卷非舒明月去來兮何動何靜
聚塵沙於法界之圈陷法界於太虛之穿

只如一人發真歸元十方虛空悉皆消殞
時如何蟻螟吞却須彌盧胡孫驚出那伽
定

祖師道不識玄旨徒勞念靜義解者謂玄
旨即至道異名同體若不識得豈特念靜
任伊歷恒河沙劫萬種修證心外求法只
益自勞此吾祖之不許也

免此過偈曰

玄旨是誰親識得 繹迦彌勒尚茫然
爲憐滯寂沉空者 獨宿孤峯是幾年
圓同太虛無欠無餘

本無欠剩却有乘除莊周配萬物爲馬龍
門喚十方作驢依稀還共轍彷彿不同途
有水易招空界月無心難獲夜明珠
祖師道圓同太虛無欠無餘叢林商昇道
此心在聖不加增在凡不加減如太虛之
圓各各具足

闡曰遮箇說話脚跨諸方者坐席未溫箇

箇築一肚皮惟資談炳耳及至偶嬰一毫

利害則較得失之念紛然交接要教圓同
太虛噬臍何及當知此事須還妙悟悟後
豈更有第二境爲對爲待耶偈曰

蟻喫巢結瘦蚊眉 直與鯤鵬接翅飛

若謂太虛無少欠 依前開眼陷重圍
良由取捨所以不如

薦福莫趙州無雪峯放出南山蟹鼻雲門
打殺東海鯉魚興化赴村齋向古廟裏蟬
卒風暴雨丹霞燒木佛却教院主墮眉鬚

疑殺人間幾丈夫

祖師道良由取捨所以不如義解者謂此
心既如太虛之圓無相不具一切皆如你
於染淨法中督生取捨則不如也

闡曰若是真正本色參學上士見此等說
話底人便與劈面唾不爲性燥蓋像龍不
足致雨故也偈曰

取既非如捨不如 是牛誰最喚爲驢
大千沙界金剛體 也是重裁領下鬚
莫遂有緣勿住空忍

萬物芸芸萬靈蠢蠢離相離名有誰不稟
因甚麼少室分皮分髓臨濟立主立賓引
得兒孫草裏覲

居中道可爲解脫道人

關曰錯待汝知是解脫已落虛幻了也若是真實悟心之士有緣空忍豈在解脫之外哉偈曰

有緣莫遂還成易 空忍教他勿住難

難易兩頭俱斬斷 祖庭休舊不相干
一種平懷泯然自盡

不動道場無生法 忍皓月照寥廓清風扇
屏枕有佛處不得佳 鐵裹燈心無佛處急
走過花鋪蜀錦三十里外摘楊花十方虛

空盡消殞易商量 難定準海底泥牛喫鐵
鞭百草頭邊風凜凜

祖師道一種平懷泯然自盡義解者謂取捨之情既盡聖凡知見無依自然一切處

平常一切處泯滅

關曰白日青天莫窺語好即今眼見色耳
聞聲喚甚麼作平懷不平懷偈曰
後
泯然盡處事無涯 百草頭邊正眼開
生死涅槃俱捏碎 不知何處著平懷
止動歸止止更彌動

曲談名相勞直說無繁重曲說且止如何
是直說張三喫鐵棒李四忍疼痛活人入
棺材死人成隊送觀音失却神通反被兒
童戲弄直說且止曲說又作麼生覺花須
向性天裁佛種宜將心地種

祖師道止動歸止止更彌動一種義學沙
門謂真心湛然常住不動無始流轉皆由
妄見且動既妄動止亦妄止以妄止妄猶
抱薪救焚益其熾矣引肇法師謂尋夫
不動之作豈釋動以求靜必求靜於諸動
必求靜於諸動故雖動而常靜不釋動以
求靜故雖靜而不離動審如是則動無動
相靜無靜相如教中謂動靜二相了然不
生者蓋了知動靜皆是妄緣牽妄既消二
相亦遣矣

關曰咄動是銀山靜是鐵壁或未曾一搥
粉碎要教他二相不生萬里崖州未爲遠
在偈曰

火焰差容蛟納泊 翳鋒寧許赤身挨
少林堂奧無門限 把手相牽孰肯來

惟滯兩邊寧知一種

左轉右旋西沒東涌突出無孔鐵鎗打破
上牢漆桶無位真人把須彌盧一擗直得
虛空藏菩薩向十字街頭合掌告言伏惟
珍重爲甚麼如此

祖師道惟滯兩邊寧知一種義解者謂兩
邊是動靜二相一種是覩體無差乃釋上
二句之辭也當知動靜二邊妄則俱妄真
則全真安有二致者哉

關曰低聲低聲休將閑學解埋沒祖師心

因爲說偈曰

是一種芳非一種 是非情盡若爲知
休將雪裏葵苔石 嘴作溪邊白鷺鷥
一種不通兩處失功

指鹿爲馬喚瓮作鐘從來將錯就錯不礙

掣空塞空破蒲團三箇五箇撫掌大笑折
拄杖七尺八尺滿面春風掃除佛祖病陵
減少林宗燼輔年深火政紅

祖師道一種不通兩處失功一等杜撰禪
和道遮兩句是結前引後之辭也謂結前
則顯示一種之真理謂引後則深責空有
之妄緣也

關曰若真實是箇衲僧說一種說兩處句
句歸宗拍拍是令如其不爾說箇一種早
落寫臼了也況兩處爭偈曰

一種由來無地著 二邊何處立功効
老婆只爲頻叮囑 畏及渾家落見聞
遣有沒有從空背空

頭正尾正心空眼空暮面道著狹路相逢
趙州柏樹子紅塵截斷一溪水東山鐵酸

俊西

十

餡碧落衝開千尺松大象不遊於免徑師
王安肯媚狐蹤

祖師道遣有沒有從空背空有等循言逐
句者謂有乃妄有由遣之而故沒空本自
空欲從之而故背有是空家之有空真有

家之空空得有而故彰有得空而乃顯以
其彰故空全是有以其顯故有全是空互
融互攝而不差相在相入而無損由是而
知遣之從之得非徇妄者乎

闢曰咬人師子安肯與逐塊韓盧並轍依

文解義曾逐塊之不若也欲望其哮吼返

擲其可得乎偈白

只爲桃符釘得高 鬼神白日把門敲

何如三尺茅簷下 雲月溪山伴寂寥

多言多慮轉不相應

似水入水如鏡照鏡洗得法塵結成見病
三世諸佛無家可歸歷代祖師何道可證
爲憐沒眼巡官要與空王算命夜深翻轉
卦盤看一片虛明冷相映所以道多言多
慮轉不相應

義解者謂言多去道轉遠又云神心洞照後出
聖默爲宗又引達磨道外絕諸緣內心無
喘外絕諸緣則忘其言內心無喘則絕其
慮矣

闢曰你與齊引證了還相應也未若果未

則言語云乎哉偈曰

因言顯道道忘言 忘到無言亦妄傳
脫畧是非言象外 虛空無口解談禪
絕言絕慮無處不通

道吾舞笏石輩張弓洒河師子長沙大蟲
且當時極有餘態到今朝尚播遺風逗到
祖師門下直教竄跡潛蹤何以如此豈不
見道披箕量米升渾別熨斗煎茶銚不同
所以云絕言絕慮無處不通或者依文解
義道絕言則言語道斷絕慮則心行處滅

言語道斷則寂而照心行處滅則照而寂
到此如來禪祖師禪可以一串穿過又有
古人教伊休去歇去口邊醭生舌上草出
等語得非是理乎

闡曰與麼和會大似置堅冰於烈火之上
多見其不知量也若果如其說則那討祖
師來偈曰

絕慮絕言同木偶 何時成佛永嘉非
聲前未領通玄旨 拄起毛端隔鐵圍
歸根得旨隨照失宗

與麼與麼指西作東不與麼不與麼認有
爲空與麼中不與麼似網兜風不與麼中

却與麼濕紙將來裹大蟲何以如此豈不
見道歸根得旨隨照失宗一等人巧生口
度道絕言絕慮是歸根無處不通是得旨

汝田十三
你若作歸根得旨會又却隨照失宗失然
根本無歸旨亦非得不了此意妄自認執
是謂隨照苟存照之之跡則佛祖心宗不
勝其失矣

關曰果有此說那苟或智是則喚將從上

佛祖來喫閻羅大王鐵棒何則爲他歸根
得旨來偈曰

隨照歸根事一同 不須特地展家風
偷心未向機前死 得旨何曾異失宗
須臾返照勝却前空

見到行到宗通說通揭露人天眼目剖開
佛祖心骨却物逐物似異非異殺人活人
謂同不同總與一齊生按下海門夜半日
頭紅

祖師道須臾返照勝却前空一等強說道

理者謂以明暗色空消歸自己者是名返照當知空不自空因心故空有不自有因心故有離心無空離心無有衆生違背自心妄見空有而欲從之却之俱名顛倒汝曰關曰錯下名言少林門下覓心了不可得

誰是顛倒者偈曰

本來非照何勞照 說甚須臾與久長
但見一期超象外 不知二子共亡羊
前空轉變皆由妄見

古廟香爐一條白練直下超死越生總是

落他方便從來不信自心迷却言佛法無靈驗有靈驗立地便成佛入地獄如箭祖師道前空轉變皆由妄見義解者謂有是妄空亦是妄空有從緣變易無定欲得離妄二俱排遣

關曰咄遣則任伊遣殊不知只箇所遣之妄能遣之心俱不離妄苟不能與遣俱遣要脫他妄緣未有休日在且有何方便與遣俱遣偈曰

空何有變變非空 莫把山河著眼中

水底波斯吹石火 金烏飛上海門東

不用求真惟須息見

豎起生鐵脊梁橫按倚天長劔閑忙靜關
門頭總與打成一片既精專復勇健將謂
成佛作祖不隔一塵撞著三祖大師輕輕
向伊道不用求真惟須息見好好看方便
一等義學之者謂見有六十二種法數具
陳不出斷常二見爲主求真落斷見逐妄
墮常見楞嚴謂言妄顯諸真妄真同二妄
猶非真非真云何見所見但能離一切見

全體即真不用求也

關曰是則固是且祖師道惟須息見且見
作麼生息苟有息之之理展轉成見矣偈

曰

著意求真真復隱 盡情息見見還生

後四

當門雖不栽荆棘 自是無人有路行

二見不住慎勿追尋

鍼頭削鐵佛面剝金謂無則一塵不隔謂
有則千聖難尋天曉不靈夜半平沉絕對
待離古今舉世盡知湖海闊出門方覺水

泥深

祖師道二見不住慎勿追尋義解者謂既
不住妄又不住真和箇不住亦不住正與
麼時繁興大用舉必全真更不假離此別
尋也

闢曰噫如此等相似語言那箇無一肚半
肚只是要近傍他祖師未得在偈曰
法法本來無所住 於無所住絕追尋
陽烏昨夜沉西嶺 今日依然上曉林
纔有是非紛然失心

根非利鈍道無淺深有一句子非古非今
搆不著底宴坐大圓鏡智搆得著底深入
邪見稠林彌勒釋迦自知無分狸奴白牯
忍俊不禁夜騎鐵馬沉滄海摸得陳年兜
鼻鍼

祖師道纔有是非紛然失心叢林往往道
後四十五
盡十方世界是沙門自己十方世界是古
佛法身所以云撲落非他物縱橫不是塵
也無是者也無非者一一皆是妙明心中
流出

關曰如此等說話叢林喚作平寶商量又
喚作轉身句子莫不引斯二句爲證古今
之下不知污染幾多淨白田地故本色道
流斥之爲雜毒訶之爲狐涎莫有不甘其
魔魅者麼急須吐却偈曰

說有是非無是非 重門高啓待誰歸
參天荆棘橫官路 那箇行人不掛衣

二由一有一亦莫守

日上月下天長地久惟有周金剛不事事
白棒橫拖沿路走有問祖師西來若不勞

眷便撲便言合取狗口引得森羅萬象笑
眼豁開阿訶訶笑須三十年後

祖師道二由一有一亦莫守義解者謂纔
徇二即昧一纔守一即生二當知二是真
妄一是自心真妄之二既除自心之一無

住可謂解脫大道也

關曰此等語言記憶在懷謂之參學使德
山有棒未到你喫閻羅老子手中鐵棒少
你一分不得在偈曰

一法併教伊莫守 不知莫守未爲貧

何如醉卧花籠上
亂把黃金擲向人
一心不生萬法無咎

蘇州有常州有六六三十六七七四十九
卷主豎起拳頭百丈展開兩手更兼千七
百箇飯袋子弄出鬼面神頭鰐跳何曾出

得牛

祖師道一心不生萬法無咎義解者引他
經論道心生種種法生心滅種種法滅諸
法不自生諸法不自滅皆自一心所變一
心不生諸法常住所以古人謂鐵牛不怕

師子吼恰似木人見花鳥之說政類乎此
闢曰然則然矣只如永嘉道誰無念誰無
生若實無生無不生喚取機關木人問求
佛施功早晚成似乎返是且不生底是無
不生底是試定當看偈曰

萬法本來無過咎
一心何更有生緣
叮嚀固是婆心切
牧笛難教合管絃
無咎無法不生不心

太華山非險滄溟海不深盧全月蝕詩有
何難讀伯牙太古曲殺有知音惟有東山

暗號子收來無縫鑄放去卒難尋攬擾幾

多伶俐客摩搘到于今

祖師道無咎無法不生不心義解者謂此

二句返上二句而言謂無咎則萬法自消

伎不生則一心自寂法消心寂至道之體冲

十七

然不得得而得矣

關曰昔僧問趙州學人乍入叢林乞師指

示州云喫粥了也未僧云喫粥了也州云

洗鉢盂去此僧悟去且道此僧當時悟無

咎耶悟無法耶悟不生耶悟不心耶試定

當看偈曰

法法只因無咎咎

心多爲不生生

寒猿夜哭巫山月

客路元來不可行

能隨境滅境遂能沉

以一重去一重路遙知馬力不以一重去

一重歲久見人心兩重公案已展不縮三

千里外誰是知音自從立雪人歸後幾片

春雲裏翠峯

祖師道能隨境滅境遂能沉義解者遽引

永嘉道境非智而不了智非境而不生智

生了境而生境了智生而了當知能是一
心境是諸法能即智之異名境即法之別
號境滅則能了之心亦滅心空則所現之
境亦沉相即相在互攝互融初無間斷其
不了者目之曰迷

一大藏教陳年故紙千七百則齋爛葛藤
不翅止啼黃葉何殊日下孤燈拈過了也
又是一層脫賺人間幾箇僧

祖師道境由能境能由境能有箇依語生
解漢道境不自境因能故境能不自能由

闡曰據如所說謂之了可乎不惟不了如
飢食鹽重增其渴耳偈曰
共知光影因燈現 咸謂波濤仗水興
燈滅水沉波影盡 政堪門外喫烏藤

境故能能仗境而生境托能而起當知生
而不生心外無法起而非起法外無心祖
師到此將一心萬法丸作箇蜜果子只要
伊笑談一嚥

闡曰因達問之曰子曾嚥得也未如其未

然世間還有喫得者麼他日異時吞鐵丸

有分在偈曰

因能生所_能所生能 能所俱忘生不生
老蚌吸乾鯨海水 珊瑚枝上月三更
欲知兩段元是一空

空而不空兔角杖檣破銀山鐵壁不空而
空龜毛拂展開明月清風洞山麻三斤黏
皮綬骨雲門乾屎橛滯穀迷封納僧面前
放過不可祖師門下再犯難容常教肚裏
如鍼刺拋向洪波白浪中

於諸塵之表者是也

闡曰是空不應有知既知不應名空苟未
曾與祖師握手親到真空之海言語云乎
哉偈曰

夢中鑽得黃金藏 又跨青鸞上寶臺

盡夜喜歡無著處 天明只落得場歎

一空同兩齊舍萬象

一句無私萬靈同仰遠拍袒肩清機歷掌

大顛打首座聚雲埋金興化罰維那揚聲
止響惟有石敢當長年整歲向百衆人前

出一頭今古無人解稱賞

祖師道一空同兩齊舍萬象義解者下度
道心不異法是一空同兩法不異心是齊
舍萬象所以古云見色便見心無色心不
現又教中謂森羅及萬象一法之所印故

祖師發明於此

關曰講經則許你講要見祖師意何異鄭
州出曹門偈曰

一不成單兩不雙 夜深寒月印長江
無邊宇宙光吞盡 又引梅花上矮窓

不見精麤寧有偏黨

禪名關教名網撈撻三有衆生及第心空
標榜撞著箇沒意智漢掣其樞解其紐萬
目要張不張百夫欲掌不掌無心道者合
如斯豈是人前呈伎倆所以道不見精麤

寧有偏黨

義解者謂心法既空能所俱泯則生佛體
同悟迷一致故引息心銘謂何貴何賤何
辱何榮何得何失何重何輕一道虛寂萬
物齊平之語爲證

卷四

二十一

闡曰然證也證得相似其如證得太殺相
似返不相似矣且如何是不相似處試定
當看偈曰

一喝迅雷難掩耳 蟬螟負海入蚊眉
泥猪癩狗齊開眼 三世如來總不知

天目中峯和尚廣錄卷第十二之上

音釋

烜	沈遠切	烜	赫光切	烜	虎橫切	餚	下斬切	獨	列各切
覲	七向切	覲	七慮切	覲	勿鍼切	殞	深于敏切	蟻	雖即消切
熾	經切	熾	古切	熾	普擊切	殞	于敏切	蟻	雖即消切
熑	嘉切	熑	古切	熑	普擊切	殞	于敏切	蟻	雖即消切
熑	於切	熑	打切	熑	也切	鞞	居悚切	鞞	居悚切
熑	勿切	熑	打切	熑	鞞	鞞	居悚切	鞞	居悚切
熑	也切	熑	打切	熑	鞞	鞞	居悚切	鞞	居悚切
熑	也切	熑	打切	熑	鞞	鞞	居悚切	鞞	居悚切
熑	也切	熑	打切	熑	鞞	鞞	居悚切	鞞	居悚切
熑	也切	熑	打切	熑	鞞	鞞	居悚切	鞞	居悚切

永樂北藏

天目中峰和尚廣錄

第一五七冊

天目中峯和尚廣錄卷第十二之中 俊五

參學門人北庭慈寂進

信心銘闡義解中

大道體寬無易無難

竊得衣盂入手解道非風幡動金欄外別

唐王

有何物倒却門前剝竿遮兩箇漢無事討
事瞞人自瞞本來無縫罅穿鑿不相干還
相委麿一回相見一回老一度風來一度
寒

祖師道大道體寬無易無難義解者道本

闡曰余則異乎所聞肯信自心是佛即難
不信自心是佛即易且道利害在甚麼處
此說且止只如龐居士道難難十石油麻
樹上攤龐婆云易易百草頭上祖師意靈
照謂也不難也不易飢來喫飯困來睡遮

裏定奪得他三箇舌頭長短其難易可一笑而領矣其或不爾縱饒你隨語生解說箇無易無難正是瞎驢赴大隊轉脚則無路可行矣偈曰

攤麻樹上因來睡 祖意惟言百草頭

三箇一般無眼孔 扶籬摸壁幾時休

小見狐疑轉急轉遲

轉自己入山河鐵牛沉巨浸轉山河歸自

己老象溺深泥自己山河一齊拈却諸方
爐鞴無可設施有設施不異空拳嚇小兒

祖師道小見狐疑轉急轉遲義解者道一切衆生自空劫已前與三世諸佛同成正覺初無少欠此心不了返墮愚迷而不知覺是故諸佛祖百千方便導之策之使之悟入所以云爲一大事因緣故出現於世乃爲此也但是學人不信自心是佛而欲後五心外別求故斥之爲小見當知此心本具說箇疾得成菩提已成剩語何遲速之有耶

闡曰然則即今喚甚麼作佛如指點不出

病在於何偈曰

天豈容伊坐井窺
盡其見量總成疑
翻身跳出虛空外
剔起眉毛已是遲
執之失度必入邪路

山無重數水無重數善財於彈指聲中見

慈氏尊樓閣又無重數無位真人路見不平以柱杖攔空一畫十萬八千一齊捏聚却回首高聲唱言芳草萋萋鸕鷀洲晴川歷歷漢陽樹何以如此豈不見祖師道執之失度必入邪路

近代有等據師位者見人說看古人話做工夫孜孜不捨寸陰克究已事者便遽引此二句斥之謂之執之失度乃云佛法那有遮箇事一切見成何不領取特地做死模樣作麼

關曰說得也是但不究其源殊不知祖師責其悟後之執豈不見佛眼云有一等人騎驢覓驢又有一等人識得驢了不肯下驢正言此等執其悟理未能忘念外存所悟之法內記能悟之心古人斥之爲法塵

非之爲見刺故藥山謂纔有所重便成窠
曰皆是責其執悟理者使悟理不忘謂實
有此事見法不圓成外道所計然迷而求
悟則易已悟欲忘則難儻不遇真正導師

盲拗瞎棒深錐痛劄卒莫之自己也你還

甘此說麼偈曰

執心未盡花常贊 結使還除果不遙
只就從前邪路上 等閑回首赤條條

放之自然體無去住

向上機末後句八字打開兩手分付違得

便行梅花枝上月三更提得便去醉跨紫
騫迎曉霧不作佛法商量不作世諦流布
畢竟如何不見祖師道放之自然體無去
住

義解者謂執心既違自然任運騰騰無拘
無絆動若行雲止如谷神既無心於彼此
寧有分於去住乎圓覺謂居一切時不起
妄念於諸妄心亦不息滅住妄想境不加
了知於無了知不辨真實亦差近矣凡聖
情盡體露真常迥絕妄緣即如如佛

闡曰相罵饒你潑水若是祖師意饒你和

一大藏教吐出只成業識茫茫偈曰

見聞知覺盡皆捐 本不期然却自然

君入西秦我東魯 頂門誰不戴青天

任性合道逍遙絕惱

圓鏡中有誰不爾

裴相國捧佛請爲安名唐莊宗向中原獲
得一寶君不爲萬乘尊榮之所移臣不爲
百揆機務之所撓林下衲子足蹈大方形
棲物表長年累歲坐在無事甲中因甚麼
返不能如是之却好且道以何爲礙歲歲

彫枯般若林年年增長無明草

祖師道任性合道逍遙絕惱義解者謂心
空及第之士性不待任而任道不待合而
合逍遙如出岫之雲絕惱若行空之月大

開曰子不聞佛印元和尚云未悟者難與
言已悟之境如生盲之人與之言天日之
清明彼雖聽而不可辨也或未能撒雙手
於懸崖之下便以任性合道之說爲證如
飢說食之喻豈誣人哉偈曰

任他法性自周流 轉見心王病不瘳
更欲逍遙求合道 鐵鞭三百未輕酬
繫念乖真昏沉不好

一大藏教是箇切脚丈六金身成一莖草

大雄一喝三日聾仰山傾出一栲栳後五且此

等說話是瓦礫是珍寶你若道是句也掃

非句也掃正是渾龕吞箇棗

祖師道繫念乖真昏沉不好義解者引教

中云心不繫道亦不結業是爲得道人也

或引德山毫釐繫念三途業因之說爲證

又云體道之士纔有纖毫凡聖悟迷之情
繫于念慮則爲凡聖悟迷之見所昏直須
一物不干懷萬緣俱蕩盡始可合他古人
見處

關曰莫謗古人好古人向你道繫念乖真

只箇一物不干懷已是繫念了也偈曰

繫念乖真真不乖 昏沉不好好何來

上牢漆桶連箍脫 戴角披毛入禍胎

不好勞神何用疎親

趙州勘破了也水銀無假雲門詰墮了也

阿魏無真參禪不靈驗觸處昧元神眼中

藏見刺耳裏騎聞塵咄果有如是事那只
向伊道舉眸天外看誰是出頭人

祖師道不好勞神何用疎親義解者謂由
繫念便乖真既乖真即勞神以勞神必疎
親當知繫念乃疎親之因疎親即繫念之
果祖師說箇何用噬臍何及哉

關曰遮一絡索大似依樣畫貓兒大槩畫
得也相似雖死鼠不能捕而況活者乎苟
不真箇向命根下一刀兩段徒資其詰柄

耳偈曰

既知不好復勞神 役盡精神愈不親
何似三家村裏漢 鮑嘯高卧契天真

欲取一乘勿惡六塵

眼爲光明法身耳爲音聲法身鼻乃莊嚴

供主

六

香法身舌即清淨味法身身名普覺法身
意號了知法身總具六千功德成就一切
種智只如四大分解百骸潰散之頃六根
悉歸變滅且法身向甚處安著愁人莫向
愁人說說向愁人愁殺人

祖師道欲取一乘勿惡六塵義解者謂一乘即自心之異名六塵根識十八界乃自心之別號安有取一乘而惡六塵是猶愛

手足而忘肩背也當知悟此心則六塵即一乘迷此心則一乘皆六塵裝相國謂背

之則凡順之則聖又楞嚴謂阿難汝欲識知俱生無明使汝輪轉生死結根惟汝六根更無他物汝復欲知無上菩提令汝速證安樂解脫寂靜妙常亦汝六根更非他物

闢曰和會得也相似你還知一乘是妄六塵是謗捨此二途還免得妄與謗也無傷

曰

色聲香味與觸法 六處從來契一乘
取捨之情猶未督 又於平地起稜層

六塵不惡還同正覺

主人翁諾諾有路不行無繩自縛謂六塵即是徹底乖真謂六塵即非還成大錯錯不錯一莖草現黃金軀倒騎萬里冲霄

鶴

祖師道六塵不惡還同正覺義解者謂也
無六塵也無正覺總只是箇妙明心地喚
作六塵也得喚作正覺也得你若於此妙
明心地有所不了喚作六塵也不了喚作
正覺也不了別有甚麼事只箇了不了引
得他佛祖口勞舌沸分出許多優劣都是
自不丈夫而使之然也

者併案偈曰
不惡六塵同正覺 少林堂奧隔天涯
會須伸出拏空手 佛與衆生一窖埋
智者無爲愚人自縛
移嶽盈壑續鳬藏鶴莊周自謂說得盛水
不漏點檢將來政是較短量長自生卜度
惟有木上座也無好也無惡也無是也無
錯通身只麼黑皴皴長年靠在繩牀角
祖師道智者無爲愚人自縛義解者謂智
不自智由悟而智愚不自愚因迷而愚智

者悟自心心悟本無爲愚人迷自心心迷還自縛當知悟者之無爲雖天地鬼神莫能使之爲迷者之自縛雖千聖萬賢莫能釋其縛惟智與愚悉由心變豈外物使之然乎

卷五

闡曰但見錐頭利不見鑿頭方何則須知無爲即自縛自縛即無爲若謂果有二途則蹉過祖師遠矣偈曰愚人自縛還須解智者無爲縛殺人寸刃不施俱截斷爲憐平地喪天真

法無異法妄自愛著

通身是病通身是藥擬議不來當面諱却藥即是病病即是藥太虛空裏筋斗易翻青州做領布衫難著也無病也無藥森羅萬象鐵潭龕楊岐驢子三隻脚

祖師道法無異法妄自愛著義解者謂青青翠竹盡是真如鬱鬱黃花無非般若盡微塵法界海內所有聲色於中具一同相不可得覓一異相亦不可得離此同異俱不可得嗟乎不了此者著佛被佛礙著法

被法礙且著佛法尚且遭其窒礙降此以
往又何愛著而不窒礙者哉

關曰法若有異法愛著則有異法既無異
法愛著亦無異因甚麼却道妄自愛著遮
裏看祖師不破前說皆戲論耳偈曰

法無異致體還同 同體如何展化功
少室九年惟面壁 不知將底播真風

將心用心豈非大錯

心心心難摸索釋迦老子四十九年說偏
說圓分半分滿詮註不成末上拈一枝花

正是將心用心難免人道箇豈非大錯到
此既是事不獲已且將箇正法眼藏涅槃
妙心與伊遮蓋却

義解者道你要成佛是將心用心要作祖
是將心用心乃至要超生死住涅槃證菩
提斷煩惱等總不出箇將心用心

關曰雖然也只道得一半當知心體廣大
不可限量直下如大火聚嬰之則燒觸之
則燎縱饒你不要成佛作祖等亦出他箇
將心用心不得偈曰

即佛是心心是佛 擬承當處草乘蹠
飲光眉向花前展 平地無端起範模
迷生寂亂悟無好惡

迷時迷悟底諾悟時悟迷底諾迷悟兩俱
忘打破靈龜殼龜殼既破迷悟亦空且道

遮兩箇諾向甚處安著打瓦與敲瓶一任
伊卜度

祖師道迷生寂亂悟無好惡義解者謂真
寂體中一切不留楞嚴謂無漏真淨云何
是中更容他物以其未悟此理面前不見

復爲障爲礙者哉

闡曰此說差近矣且道迷從何來悟從何
起遮裏知得來處起處不待遣迷只箇悟
底亦無地可寄矣如其不爾且把迷底悟
底取性分別究竟惟增見病耳偈曰

寂便見亂不見動便見靜不知動也是迷
亂也是迷靜也是迷寂也是迷乃至見自
已立地成佛亦是迷能了此迷心當處解
脫則一天真一一明妙既不見亂亦不知寂二邊捨離中道不立安有好惡之情

古今天地誰曾悟 無悟何曾更有迷
翻憶溫州老真覺 無端一宿憩曹溪
一切二邊良由斟酌

開口道著動步踏著一切總見成不信且

行脚待伊行到路途窮雲水空布衫穿草

鞋薄那時驕鼻拽回頭始信從來自擔閣
祖師道一切二邊良由斟酌或有箇杜撰

巡官注解道纔見有亂便見有寂當知亂
不自亂因寂故亂寂不自寂因亂故寂由
是諸法紛然未有不相對相待而起所云

斟酌二字便是最初謂據擇之說差近也
以其據擇之識未消則於寂亂等二邊動
成斟酌之念以其未遣則一切不得不二
矣

聞曰然則斟酌之念有何方便而遣苟或

不知此方便則爾所說亦未嘗不由斟酌
俊五而生偈曰

二邊不用頻斟酌 一道齊平亦妄傳
觀體未超言象外 見同佛祖政堪憐
夢幻空花何勞把捉

烏龜殼空索索鐵秤鎗實曝曝惟有木上

座不受人穿鑿朝騎陝府牛暮跨揚州鶴
有時白日走歸家敲打虛空自酬酢還鄉

一曲聲未消天岸雲飛星斗落

祖師道夢幻空花何勞把捉義解者引教

中道一切有爲法如夢幻泡影如露亦如
電應作如是觀又引永嘉道放四大莫把
捉寂滅性中隨飲啄諸行無常一切空即
是如來大圓覺便乃肆情所緣任意所作
至若毀犯禁戒破壞律儀一以此二語爲

證

關曰但不知正當肆情任意放逸自恣之
時果見諸緣境如夢幻空花也無若也見
是空花則不應馳逐宵中微存一念攀緣
馳逐之心則不得爲夢幻空花矣當知成
佛作祖亦是夢幻空花自此已降又何往
而非夢幻哉更須知道只箇不勞把捉之
說早是墮他夢幻了也此事若不親證實
到只欲隨語生解非愚而何偈曰

雪山午夜觀星處 業鏡臺前照影時

一種做成顛倒夢 不知誰是得便宜
得失是非一時放却

雪峯棍木毬普化搖鐵鐸雖曰大用大機
究竟還成造作爭似無生國裏王太博也
上不善也不惡取性飽食高眠任意逍遙快

樂有人來叩祖師禪但教問取黃旛綽

祖師道得失是非一時放却義解者道一
法界中也無得者也無失者也無是者也
無非者良由妄情發起異見橫生於無得
失中熾然得失於無是非處紛然是非所

以祖師教伊一時放却已是傷鋒犯手平
地風波你還知本來既無放箇甚麼若曰
有可放之理則得失是非向甚處安著
關曰咄說有可放也合喫棒說無可放也
合喫棒何則爲你脫他得失是非未得在

偈曰

兩手撒開無一事 是非得失盡皆指
擬將遮箇超生死 脚下蟠蛇正繞纏
眼若不睡諸夢自除

長年屈膝坐竟日觜盧都兩眼掛空壁莫

知何所圖叩已而參半疑半信閱古人詁似有似無逗到年窮歲盡翻成緣木求魚

何似從空都潑撒滿懷突出夜明珠

祖師道眼若不睡諸夢自除義解者謂此二句是前喻後合如人大張兩目歷歷不

昧則昏住自遣既不昏住安有夢緣

闡曰若作喻說則可使其不作喻祖師亦合喫棒何則且開眼何曾不是夢來偈曰金剛正眼何曾睡 大夢須知沒覺時
寄語祖師門下客 休將鶴唳當鶯啼

心若不異萬法一如

道人行處如火消冰衲僧面前似冰消火拈却兩重冰炭放他凡聖同途無手道士畫神符瞎眼闍黎讀梵書更有一般堪信處熊蠻吞却洞庭湖

祖師道心若不異萬法一如義解者謂萬法本如由心乃異譬如山不自高心異故高水不自深心異故深此心異則千差競起萬別橫生項背俱身視之不殊楚越弟兄同氣目之何啻天淵以其異故至近之

情尚爾欲其混聖凡齊物我一自他等憎愛其可得乎教中亦云未達境惟心起種種分別類羣盲之摸象猶廣客之疑蛇於

無同異中熾然同異何當揭開翳眼之膜剪空亂意之絲融法界歸此心如鏡照鏡

轉山河入自己似空合空到此諸緣寂爾萬慮悄然二見不生一法印定可謂遠符祖令深契佛心者矣

闡曰此說且止即今明暗通塞壞空成住諸境縱然且喚甚麼作不異底心直下指

點不出或有箇道任他諸法前陳我但以此不異之理照之吁審如是則不勝其異矣偈曰

心不異兮同萬法 空拳惟把小兒欺
擬教依樣描將去 脫賺平人沒了時

後五

十

一如體玄兀爾忘緣

禪禪禪離言詮釋迦老子未得一半達磨大師猶欠八千臨濟喝得口破德山棒得手穿一一從頭點檢殊覺地遠天懸近前類撥波求火退後若掘地覓天不前不後

求相應更著重參三十年

祖師道一如體玄兀爾忘緣義解者謂一
如之體玄之又玄非因緣而有非自然而
成離四句絕百非雖佛眼莫窺聖心罔測
擲大千於方外卷法界於毫端一空一切
空不加宰割一有一切有豈用栽培塵沙
不得喻其多毫髮不可方其少可謂忘緣
絕待一如之玄體也

闡曰說也說得近你若蘊此說於方寸要
與一如玄體相應正不異抱火於懷求其

不燒偈曰

一如如外更何如 重疊溪山隱故廬
睡到三竿紅日上 笑看潘閻倒騎驢
萬法齊觀歸復自然

佛法不遺方寸禪道豈離中邊你若起心

後五

求覓又還十萬八千有何三要十五也沒三玄
通身無影像覩體離言詮道人安用求相
應今古何曾不現前

祖師道萬法齊觀歸復自然義解者引他
教家謂隨緣故真如是萬法不變故萬法

是真如又云更無心外法能與心爲緣皆是自心生還與心爲相此說似祖師萬法齊觀之理不相遠矣或云謂齊觀亦是不揀擇底影子苟存揀擇則不能齊觀矣
闡曰引證則不無且日上月下夜暗晝明煥然不可混作麼生說箇齊觀底道理離却語言請露箇消息來偈曰

萬法如何類得齊·那堪歸復自然時
知音自是從來少·徒把黃金鑄子期
泯其所以不可方比

殿裏底牆外底打車打牛堅舉堅指雪峯輒三箇木毬玄沙封三張白紙靈山說性說心少室分皮分髓曹洞列五位君臣爲仰會一門父子吟哦滿目青山指點門前湖水放行光綏五天捏住風馳萬里聲前不許停機句外豈容掉觜咄總是閉眼泉牀燒香引鬼何以祖師道泯其所以不可方比

義解者謂般若經以一百喻喻般若他經中以一百喻喻解脫或又以一百喻喻菩

提心具在典章安有不可方比之理當知
般若解脫菩提則可喻使去却一切名相
與一心俱泯正與麼時還立得箇甚麼喻
皮五
子或者謂古人道鷺鷥立雪非同色明月
蘆花不似他此說豈非不可方比者乎

闡曰你擬向白雪蘆花中覓不翅認溫州
十六

橘皮作火偈曰

方之兔角長三尺 比較龜毛短一分
却有一般渾廝稱 眼睛難見耳難聞
止動無動動止無止

萬車同轍萬事同理萬器同金萬波同水
萬象森羅完全是你你若不信多買草鞋
向釋迦達磨肚裏走百千遭却來依舊從
頭起

祖師道止動無動動止無止義解者謂祖
師老婆心切將箇止動二邊輒作一團與
伊說破與肇法師即靜而動即動而靜之
旨大率同途亦是萬法齊觀之旨趣豈特
動止然蓋一切境緣亦皆如故即止是動
落花還是春風送即動是止堅冰有日全

歸水達人大觀本無差昧者由斯顛倒起
關曰且置是說只如亦不作動亦不作止
正與麼時還有商量分也無速道速道偈
曰

動時塵起靜冰生 把手相牽入火坑

象體目來無蓋覆 後五 苦哉顛倒是羣盲

兩既不成一何有爾

佛海有涯禪河無底尺水丈波源源不已
馬大師教龐居士一口吸盡西江法眼道
是曹源一滴水更兼船子釣盡煙波帶累

他許由來洗從前是非耳大浸稽天瀰漫
萬里當時不解塞其源至今平地波濤起
祖師道兩既不成一何有爾義解者道是
無非不是非無是不非纔見有是先存其
非纔見有非先存其是所以單是不立獨
非不存非乃是之根是乃非之本至若真
妄悟迷等與之同然且是非之兩既去中
道之一何存祖師到此可謂披肝割心老
婆太過

關曰然兩既不成一亦無有還有知不成

無有者麼若謂無誰知不成無有者若謂
有喚作無有得麼祖師到遮裏也只得結
舌有分偈曰
不放春歸春自歸 園林處處綠成畦
萬紅千紫知何處 剩得一雙蝴蝶飛

音釋

攤	他丹切	別	他歷切	絆	博慢切	栲栳	特告
拏	他丹切	剔	他歷切	絆	博慢切	栲栳	特告
室	突宅江切	匣	匣	匣	匣	匣	匣
步	步貌切	匣	匣	匣	匣	匣	匣
乘	乘乘切	匣	匣	匣	匣	匣	匣
也	也切	匣	匣	匣	匣	匣	匣
膝	膝切	匣	匣	匣	匣	匣	匣
徒	徒登切	匣	匣	匣	匣	匣	匣
登	登功切	匣	匣	匣	匣	匣	匣
地	地藏古切	皺	皺	皺	皺	皺	皺
藏	藏李切	皺	皺	皺	皺	皺	皺
也	也切	皺	皺	皺	皺	皺	皺
神	神蛇切	皺	皺	皺	皺	皺	皺
蛇	蛇功切	皺	皺	皺	皺	皺	皺
登	登七恭切	皺	皺	皺	皺	皺	皺
七	七句切	皺	皺	皺	皺	皺	皺
恭	恭起切	皺	皺	皺	皺	皺	皺
起	起也切	皺	皺	皺	皺	皺	皺
貌	貌來切	皺	皺	皺	皺	皺	皺
來	來宿切	皺	皺	皺	皺	皺	皺

天目中峯和尚廣錄卷第十二之下 俊六

參學門人北庭惠寂進

信心銘闡義解下

究竟窮極不存軌則

十尺爲丈十寸爲尺此說東至日出西至

度大

日沒盡塵沙國土內徧問諸人那箇不能
委悉因甚說著祖師禪箇箇面前如鐵壁
更有一箇最分曉底末後句不暇囊藏盡

與一齊拈出是甚麼屈屈屈

祖師道究竟窮極不存軌則義解者謂盡

十方世界所有虛空色象大小纖洪皆是
箇自己信步行不離祖翁田地信口道總
是古佛真詮以至抱妻罵釋迦醉酒打彌
勒俱成一行三昧說甚麼開遮持犯等故
永嘉亦云大悟不拘於小節

闡曰且住且住說也說得太殺明白只是
閻羅大王要捉此等說底來喫鐵棒且道
利害在甚麼處各自歸家點檢看偈曰
信手拈來信口談 縱橫放肆總司南
不存軌則如留念 動輒依前落二三

契心平等所作俱息

象王回顧師子返躡真不掩僞曲不藏直
惟有陳如尊者長年宴坐松龕也惺惺也
寂寂也不管你小盡二十九大盡三十夜
來及第心空透過參天荆棘閑於隴外豁

雙眸一樹寒梅花摘索

祖師道契心平等所作俱息義解者引教
中道是法平等無有高下譬如水銀墮地
大者大圓小者小圓盡大地更無有一法
不與自心相應者如來成道時回觀積生

多劫所修行業皆如夢幻亦無作者亦無
不作者所以云修習空花梵行宴坐水月
道場降伏鏡裏魔軍成就夢中佛事良由
此心未了於平等中見不平等以其不平
等則一切所作由是而興焉

卷六

二

闡曰圓覺云性自平等無平等者說箇平
等便合喫三十拄杖更引出許多知解轉
見不平等也偈曰
罷問程途撒手歸 一菴高卧對晴暉
百千玄妙俱忘却 整日無人扣竹扉

狐疑淨盡正信調直

牛是一頭狗是一隻貓是一箇馬是一疋
見火知燒見水知濕緣何一點自心箇箇
昧如黑漆疑上又加疑執上重增執不須
疑也休執誰知萬別與千差一切聖賢從
此入

祖師道狐疑淨盡正信調直義解者謂信
有二種一正信二邪信信自心是佛不假
外求是正信不信自心是佛起心外馳任
有毫無皆名邪信當知正信亦有疑於正

信中未由證得所以致疑念益深久達
不退忽爾洞明一念開朗是謂大疑之下
必有大悟當知悟是信之果信是悟之因
肇法師謂果不俱因因成果審如是則
信時即是悟時悟時不異信時祖師之銘
後六
目之曰信心正類此也當知大根器之士
一聞舉起如獲舊物了然於心雖衣食可
忘性命可捨欲其斯須去其正信不可得
也故古云假使熱鐵輪於我頂上旋終不
以此苦退失菩提心其正信之念果如此

之堅密安有不獲親證者哉捨此則自餘
邪信生疑疑之不已則倒見橫生馳逐妄
緣流入無間者必矣

闡曰是則是只如信即悟悟乃混入靈源
靈源既入遮箇信字向甚處安著若謂別
有著處請指出看若謂別無著處則祖師
亦成剩語矣偈曰

信根不正起狐疑 疑念冰消信自持

說得宛然相似了 祖庭何翅隔天涯

一切不留無可記憶

大心如天寬大智如杲日大疑如火聚大
法如鐵壁臨濟盡力喝不退德山盡棒打
不息深深一箇葛藤搭引蔓牽枝無了畢
就中有箇漢出來道昨夜被我和根拔出
了也葛藤椿子既拔在手擬向甚處安著
聲前句外不知歸轉於平地添狼藉

祖師道一切不留無可記憶義解者謂心
行處誠一切不留言語道斷無可記憶外
無法可捨一切不留內無心可爲無可記
憶了了見無一物亦無人亦無佛大千沙

界海中漚 一切聖賢如電拂是謂一切不留南臺靜坐一爐香終日凝然萬慮忘不是息心除妄想都緣無事可思量是謂無可記憶

闡曰然引證得也相似任你廣將佛祖言

皮六
教引證得盛水不漏惟是記憶不勝其多矣欲得一切不留其可得哉偈曰

一切不留還有見了無可記尚存知故家田地非親到畫餅何曾療得飢虛明自照不勞心力

爲道務日損爲學務日益損到見謝執妄益至填胷塞臆忽然損益兩俱忘撒手歸來面空壁池陽城裏王老師冷地令人苦相憶休相憶虛明白照非心力

祖師與麼道義解者謂彌滿清淨中不容他是謂虛驪珠獨耀桂輪孤朗是謂明旣虛而明物來斯鑑自照之功不容有言遮裏加一毫心力則不得爲虛明白照矣闡曰然引喻甚當其理爾見虛空無相貌麼但未聞虛空自言我無相貌使虛空能

言則不得爲虛空使祖師早知此喻則駟不及舌之咎終難免矣偈曰

輪王一顆黃金印 須是當陽正受之
暗地拾來無用處 那堪穴隙去傍窺
俊六
非思量處識情難測

雪裏粉易分識即惟心墨中煤難辨惟心
即識是識非心是心非識明鏡臺前別醜
妍杲日光中觀黑白恁麼說話大似箇講
惟識論底法師衲僧面前如何露箇消息
不是心不是識夜大吠花村春鶯啼柳陌

長鯨吸乾海底波蒼龍走入無生國驚起
大梵王直上色究竟天頂把虛空一擱撒
下千顆驪頸珠閃閃神光射衣襍

祖師道非思量處識情難測義解者謂識
是心家之識心是識家之心此二者如水

乳難辨當知識是水心是水中之乳所以
教家謂鵝王擇乳寧同鴨類但是水中皆
有乳惟鵝王能辨自餘水族皆莫之知喻
一切識中皆具真心惟佛祖能了靈知鑑
覺之謂心思惟憶持分別取捨等之謂識

然識有八種六根具六第七名末那第八
名阿賴耶亦名如來藏上七識爲枝葉惟
第八識爲根本教中謂來爲先鋒去爲殿
後悟爲如來藏迷爲阿賴耶此識在迷則
任持無量劫來捨身受身一切善惡無能

等業在悟則能任持無始時來一切菩提
解脫諸智慧種此識自迷入悟轉爲大圓
鏡智改名不改體也即今於四大五蘊諸
聖凡法中了了記憶作用分別至若見聞
覺知三有紛然萬法昇沉一念起滅莫不

皆依之而生所以云萬法惟識圭峯云生
法本無一切惟識嗟今之學者不能向命
根下一斬兩段脚跨叢林惟以聰明之資
引起情識覽諸玄解記憶在心驀爾觸發
不知是情識依通而然剛執此是神悟或

庚六

六

妄認目前昭昭靈靈舉口動舌爲自己而
楞嚴謂棄百千大海認一漚爲全潮圓覺
謂皆是六塵妄想緣氣非實心體長沙和
尚謂學道之人不識真只爲從來認識神
永嘉謂捐法財滅功德莫不由斯心意識

等乃佛乃祖靡不指陳而末法中此病益
加熾盛然墮此病者亦因根本學道之志
不真不正而然若是根本志決欲要與生
死岸頭相應終不肯向此識情中塚跟良
由最初一念只欲會禪會道會佛會法況
此識如千仞鐵圍無始時來把伊圍繞又
如千兵萬騎晝夜在六根門頭伺其間隙
苟不具決定要了生死之志則無所往而
不入之矣且祖師作信心銘誠欲展開堂
奧俾後之學者脫去情識惟信自心轉步

步入儒學者一毫情識不盡使祖師此銘
俱爲毒藥其利害有如此者不見最初兩
句道至道無難惟嫌揀擇只遮兩句將心
與識判然分解煥如黑白何則謂至道無
難即是指此真心惟嫌揀擇即是破此情
識莫有情識不忘老見此說乃云我只不
揀擇殊不知即此不揀擇早是情識作解
後六
而況步步涉有觸境生情者乎蓋祖師此
銘前後之意重拈再指原其本懷特不過
曲爲學者揀辨其心與識耳所以云非思

量處識情難測

闡曰據云惟嫌揀擇今則於一心法中指出情識是揀擇耶非揀擇耶然情之與識與一心果異耶果同耶真實道流於此不能定當要見祖師銘信心之旨不亦邈乎

偈曰

非思量處情難測 學佛玄徒合共知
直下不知欠甚麼 又來開眼被人欺
真如法界無他無自
師曠無耳至神無體靈源無底達磨安得

自相委

祖師道真如法界無他無自義解者謂真如法界是一心之總名心外無別法安有自他之稱謂不特自他之不立乃至山河天地有情無情俱不可得而爲有雖曰不

有所謂相傳之髓從前共住不知名今日

相逢且非你月娟娟而萬水不沉風泠泠而六窓自啓不是心不是佛爛葛藤引蔓於空劫之前非風動非幡動死枯體吐氣於碓坊之底靈鑑昭昭我不知雲月溪山

可得而有亦不妨自他物象熾然安立何
則真如法界喻金自他物象喻瓶盤釵鉗
當知金是實體瓶盤釵鉗等器是權名以

實就權^{俊六}則自他物象不妨安住會權歸實
則惟見一真法界之至體自餘瓶盤之假

名不待遣而自泯矣昧者將謂祖師不達
圓融之旨宛然斷滅墮在偏空作無他無
自之說茲不容不辯

關曰辯則辯矣且真如法界中還容得此
辯麼偈曰

內無自己外無他 一箇渾倫花木瓜
暮直向人人不委 依前撒土又拋沙
要急相應惟言不二

性喻曰海心方以地廣涵而不逾普擎而
弗墜不可得而涯岸容受十虛罔知所以
邊疆貫通三際前不落後不昧野狐精完
全兩枚昨日定今不定乾屎橛渾倫一塊
毘耶窮衆士之辯口似鼓椎曼殊逞七佛
之師舌如劍利我宗無此葛藤至理有何
碑記海闊全消萬派聲嶽高頓落千峯勢

祖師道要急相應惟言不二其義解者謂
祖師重費分疎首則言惟嫌揀擇其中間
若一亦莫守萬法齊觀萬法一如等盡是
惟言不二之意然諸佛衆生覩體不二說
卷六
箇成佛早是剩語惟是要急相應似話作
九
兩橛矣使果有箇相應不相應之理則宛
然成二特於此未嘗無疑

關曰但恐此疑不真不切不深不固若然
則異日此疑當有自破之時此疑若破其
相應不相應之二與不二了之於機先領

之於言外則知祖師恩大難酬昔毘耶老
人命衆菩薩各說入不二法門各各說竟
及至被衆菩薩返其所問而問之則默然
不加對時文殊即伸讚歎謂真入不二法
門且文殊何所見而興此讚之之辭若將
此默爲不二法門則世之病瘡者亦合得
不二法門與夫機關木偶等俱可入不二
法門然默既可爲不二法門則語亦可爲
不二法門以至謳歌戲笑皆名不二何乃
獨讚毘耶爲得耶遮裏親見毘耶文殊二

大士鍼芥相投之旨則相應不相應之說亦可一笑而釋矣偈曰

祖翁門戶絕支離 石火電光猶是遲
要急相應言不二 老婆嚼飯餽嬰兒
不二皆同無不包容

絞水浸爛虛空無把柄絕羅籠禪河自是無船渡隔壁何曾有路通

祖師道不二皆同無不包容一等猶未填墨之士謂法華云惟此一事實餘二則非真又云一切諸佛惟一佛乘無二無三所

云一者後六即妙圓明心體離修證豎該三際橫貫十虛色空明暗以之爲源凡聖悟迷貫德山今夜不答話公案兩重擒虎兕辨蛇龍不費海神些子力驅雷霆走雲霧消得龍王多少風細鍼削鐵壓沉大地單絲

之說不能外於此也

關曰審如是說一切言教已嘗具載又用他祖師西來作麼須知言教如趙昌之畫花其高低向背濃淡開合煥然可觀但非真花耳苟能向脚跟下如斬一捲絲一斬一齊斷而不二皆同之肯烏可以口出耳入爲得哉偈曰

黃金鑄就雄雞卵 撃碎依前又鶻倫
裏許不知包甚麼 孤光長夜照乾坤

十方智者皆入此宗

至神無功至體混融如鐘在簾耳畔非響
非寂如春發榮枝上自白自紅洞山五君
臣朱絲奏一畫未形之韻臨濟四照用鐵
鞭追萬靈罔測之風玉轉珠回十六機先路
活風飛雷厲芳頂門眼空思惟不及快便
難逢差排古佛離窠曰斷送生蛇化活龍
祖師道十方智者皆入此宗義解者引華
嚴云如來真境界其量等虛空一切衆生
入其實無所入又圓覺謂諸能入者有諸
能入非覺入故當知此宗一切衆生本來

深入安有復入之理衆生既爾其有智者不應反有所謂入也聞永明和尚謂心真如門初無離在但迷者喻出悟者喻入特迷悟相間豈果有所謂出入哉

開曰且止是說你還曾悟麼待你真實有

箇悟處方見祖師言不欺矣偈曰

盡說此宗難得妙 十方智者若爲論
懸崖未解拋雙手 撞入無非地獄門

宗非促延一念萬年

乾爲天坤爲地禪不異教陽爲奇陰爲偶

無明潤識田

祖師道宗非促延一念萬年義解者謂祖師指一心爲宗一心法界中以劫爲日不加促以日爲劫不加延所以視一念爲萬年轉萬年爲一念不長不短非少非多豈

教豈難禪只爲互生卜度引起膝蛇繞纏
一箇專一心三觀一箇擅直指單傳默如
山隔語若天懸被箇無面目漢路見不平
攔空一喝直得達磨大師與天台賢首吞
聲飲氣垂手入塵各家自掃門前雪不把

神通使然乃法如是故

閻曰昔儒之達者以齊彭殤爲妄作一死
生爲虛誕使其知有一念萬年之說猶增
驚愕無他蓋真俗不同途也古人亦云談
生真則逆俗順俗則違真豈不然乎何當使

其裂開俗網斬斷塵根回觀吾祖短長相
即圓常自在之機則失言之咎其可逃哉

雖然且不涉短長試道一句看偈曰

剎那萬劫非延促 不把虛空較短長
便與麼時還諦當 且歸門外錯商量

無在不在十方目前

鏡清六刮濟北三玄天龍伸瘦指卷主豎
空拳有佛處不得住抹過西乾與東土無
佛處急走過打著南邊動北邊一狀領過
六戶悄然開門放出楊州鶴不用腰纏十
十二萬錢

祖師道無在不在十方目前或者以意識
卜度謂心非色像道絕方隅即色像而不
妨處處分身倚方隅而豈礙塵塵露影塵
塵露影不離當處常湛然處處分身覓即

知君不可見是謂無在不在十方目前之旨明矣

關曰作是說者偷光望影也少伊一分不得若不能親下手剖破藩籬望他祖師無在不在之旨何異鄭州出曹門偈曰

不離何處〔後六十三〕是何物 逼塞四維舍十虛
拋向目前無蓋覆 直教覩著眼睛枯

極小同大忘絕境界

投子言壞大隨不壞隨此兩重關觸遂成障礙無障礙但將兩句併作一處看便見

微塵不小虛空不大見成公案絕覆藏漆桶何緣能不快

祖師道極小同大忘絕境界義解者道前云無在不在便是極小同大極大同小之標題故楞嚴謂於一毛端現寶王剎坐微塵裏轉大法輪苟不達無在不在之旨則動爲境界所囿既囿於境界則安有忘絕之理既不能忘絕境界則大者大相小者小相安能融攝於一體者哉

關曰只如忘絕境界底人還見大小也無

若謂見則未能忘絕若謂不見則去土木
偶人無幾矣試道看偈曰
須彌納芥人皆委 芥納須彌佛也疑
縱使見超情量外 刻舟求劍不勝遲
極大同小不見邊表

得得非得了了何了心地花開雪谷春性
天日出冰壺曉不萌枝上金鳳翹翔無影
樹邊玉象圍繞百丈脫野狐胎貧恨一身
多文殊出女子定富嫌千口少但知隔山
見煙誰問出門是草一切見成不用尋討

縱饒靴裏弄鉗鎚也是門前打之繞
祖師道極大同小不見邊表一等義解者
謂昔毘耶大士運不思議解脫神力以三
萬二千師子座置之方方一大室中室不
如窄座不加隘然後以右手斷取妙喜世
界普告大眾第十六彼世不搖動此世不改變以

大入小以小入大互即互融非彼非此經
中欲說此不思議解脫神力窮劫不盡然
此神力無一毫不自妙明心中流出或者
謂我今亦嘗悟此妙明心體緣何於此神

力而不克證有以對或者曰當知此神力本自具足不加復證其所未獲現前者蓋初心入道於定慧解脫之力未圓滿故雖未圓滿於本覺心中亦不曾失但時至自現耳雖曰時至亦不得存一念待時之心苟存此待時之心即落異見矣譬如初生孩子未離襁褓而欲其負重致遠其可得乎雖不能負重致遠而於負重致遠亦何畏何疑耳雖不獲其現前真真實有所悟明者聞此神力自然不驚不畏不惑不疑

若有一毫驚畏疑惑之心存乎胷中則於此心實未曾真正悟明者矣近世行脚高士不求正悟惟貴言通況居師位者多是取順一時不肯與之深挑痛剔彼此徇妄俱不丈夫至使般若叢林掃地無幾嗚呼惜哉其有志者能刻苦勵行以大悟是期信六則報佛深恩莫加於此蓋吾佛亦未嘗不備言今日之弊謂末世衆生希望成道無令求悟惟益多聞增長我見雖二千餘載相去其說如示諸掌益見聖人之言不我

誣矣

闢曰住住你將謂悟了便休直饒你超證
不思議解脫神力於一剎那將毘耶老人
命根一捏粉碎苟能忘其所證坐在神
異中政好來喫衲僧痛棒偈曰

小大悟迷俱屏跡 百千神用頓忘時
衲僧狹路相逢處 棒折須知未放伊

有即是無無即是有

半夜子雞鳴丑石女深裁無縫衣本人痛
飲苦提酒嘯時申日入酉雪山深處象王

行大火聚中師子吼十二時辰不要數盡
三十年後有人分割無無無不無有有有
何有喚作竹篦則觸不喚作竹篦則背弄
花香滿衣你有主杖子我與你主杖子掬
水月在手我宗不立階差何用強分妍醜
一塵起三昧諸塵入正受珊瑚樹下聞金
雞簷菊花閒眠玉狗

祖師道有即是無無即是有其義解者謂
有不自有有是無家之有無不自無無是
有家之無有不單居無不獨立且人之言

有者曾中先存所見之無然後乃云其有
苟曾中先不存其無安肯於無所對中突

然言有故知無不無即是是有不有即是
若不如此必不須守

無有無之理本乎一源於一源中言有則
信六多其有言無則剩其無有無混融言路亦

絕是謂還源之旨矣

闡曰雖然若不奮起大志泯有無之二於
正悟之域其起心分別安有忘言之日哉

偈曰

無中現有有還無 此物應難入畫圖

笑老趙州忘管帶 強言東壁掛葫蘆

孤山愛種梅彭澤惟栽柳一般素養高懷
二處各存窠臼爭似箇沒意智漢向無陰
陽地上挿一莖草直教花開煦日之前果

熟清霜之後你等諸人終日竟夜於其間
俯仰折旋還見麼見則切忌眼花未見不
得亂走

祖師道若不如此必不須守其義解者謂

此是祖師叮嚀囁累之辭謂真實要與妙

精明心本覺靈源一念相應直須與如上
所說一念契同苟不如是其雄談闊辯皆

外道所計守之奚益哉或者謂若不如此
者乃決定要人契悟其真心也必不須守
後六
者乃指其不求正悟惟泥此言說爲得者
十七
之意也此說亦通

闢曰然如二說苟人能忘軀畢命誓期大
成一報俄消則五爭失矣特不知學者於
夢幻影中何所恃而不加鞭策者哉偈曰
有無情盡色空忘白日青天賊獻贓

賤比黃金貴如土而憐無地可埋藏
一即一切一切即一

二五是十二五亦七在人領會法無固必
喚衆生作諸佛體亦何差喚諸佛作衆生
理不曾失忽有箇漢出來道衆生自衆生

諸佛自諸佛何混濫聖凡令他釋迦老人
平地受屈只向他道無始妄流轉莫不由
斯執定性凡夫聖所訶千手大悲推不出
祖師道一即一切一切即一或者引教中
謂是一切之一一切是一之一一切在一

不少在一切不多此是心法互徧一多含容非神通使然乃法理如是然此說具在典章不須廣引只益言疎無補於道當知吾祖作是銘至不二皆同無不包容處恐後之學者不達融會之理首以延促相即

次以大小相即又次以有無相即今復以一多相即以無邊世界海融爲不二法門廣關於羣象之淵大啓於衆靈之府俾後學不動步而到不隔塵而入不加功而成不克念而證大慈之願旣周大化之功普

闢曰雖然其如按圖索馬者日益繁多何當換轉面門與祖師一齊趕退始解知恩報恩苟或未然曳尾靈龜不能無及於祖師矣偈曰

大地撮來俱如粒米 當陽打鼓大家看
眼中若未除金屑 要辨玄黃也大難
但能如是何慮不畢

大心無依大化無跡大巧無作大任無力
萬法全彰處光滅影沉一毫不露時山堆

獄積白蟻鑽開鐵佛心青蠅踏斷金牛脊
趙州看你放不下偃溪便從遮裏入信手
拈來和聲吐出豈智可知非識能識幾人

覩著眼睛枯不是克家徒點額

祖師道但能如是何慮不畢義解者謂法

華云吾今爲汝保任此事終不虛也即祖

師但能如是何慮不畢之意乃爲學者保
任之辭也其策勵勸進之誠盡見于此

關曰雖然是伊果如是也未即應聲點首
三下已遲八刻稍加佇思劍去久矣偈曰

如是如是復如是 要問畢時那裏泊
持下重重鐵面皮 家鄉猶隔三千里
信心不二不二信心

心是根法是塵兩種猶如鏡上痕永嘉大
師道則太殺道要開鑿人天眼目如隔海

後六

十九

在何不道心非根法非塵共轉如來正法
輪忽有箇人道永嘉道底如隔海你與麼
道如海隔爭似三祖大師信心不二不二
信心遮兩句如生鐵秤鎚要且穿鑿不破
只向伊道低聲低聲啼得血流無用處不

如緘口過殘春

或者以義解祖師意謂衆生迷此心者其來久矣於一法中妄生分別一一分別莫不皆二且見已爲自必見人爲他此謂自他之二從此引起無量無數分別不勝其二矣豈算數譬喻而知其涯量者哉故祖師老婆太過單提箇信心不二不二信心之正印與之當頭一印印破如網舉網無一目而不張如領提衣無一縷而不順迅雷起乎幽壑杲日麗於晷衢瞽者視曠者

師到此也合契捧偈曰

凡聖悟迷俱不二 了知元自信心生
心非生滅誰迷悟 開眼無端入火坑
言語道斷非去來今
心心非心非心心而非心非心而心提起

聞窮者通愚者智不離夢空遠登真覺之場匪隔幻身直證金剛之體可謂起死回生之神藥革凡入聖之良導至矣美矣
闡曰讚歎且止只如神悟之頃此箇不二之說還有容受處也無苟無地可容且祖

頭拽不斷放下手卒難尋此等葛藤自二

千年外起乎西土其間四七二三以至千
七百箇鈍漢萬種施爲勦除不盡牽枝引
蔓直到于今幻出燬聖鎔凡爐鞴化成吟

唐六
風囀月叢林俄二見之蜂起資異證以交

侵發藥既衆受病尤深而況雜邪外之毒
無處著膏肓之鍼今日且作死馬醫去也
良久云機前三點活言外一鉤沉

其義解者謂既是言語道斷此一篇銘非
剩而何若曰非去來今乃知祖師面目見

在

闡曰且莫謬加穿鑿取笑傍觀殊不知理
本圓融道無離在言語道斷廣長舌其說
熾然非去來今淨法身恒常寂爾毒藥醍
醐攪成一器黃金瓦礫觀作一團用處無
差拈來有準一踏到底者不留昧跡三搭
不回底謾自搏量誠一代之聖師乃百世
之標準敲出鳳凰髓資異饌於禪悅之門
抽出師子筋絕餘響於至靈之府雖然且
道祖師還肯受此等茶飯也無收起葛藤

一任貶剥偈曰

熱椀畫鳴翻古調 賦驢夜吼換新腔

語言道斷道不斷 一任傍人錯較量

非文非字無佛無心擎空塞空以毒攻毒

依六

瓈大師款案既在少林宗聲價不衰何妨

十一

讀作信心銘切忌記他元字腳黑漆桶欄
空撲碎玉麒麟就地勒回揣盡古佛家私
瞎却當人正眼且道靈驗在那一句

天目中峯和尚廣錄卷第十二之下

音釋

椿

朱江也

熐

謨杯

械

前

得劫

木

碓

都內

兜

詳子

劫似

牛

簷

許切

殤

尸

羊切

未

保

柳居仰切

熞

胡切

照

許御切

殮

日

櫟

良薛

也

耳對切

勦

子小切

腔

出溫也

捩

切拗

櫟

楚委切